



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Sepultura.

urn:nbn:de:hbz:466:1-10447

in sententiis criminalibus causa debet poni.

Quintò, sententia prolata super præsentatione vel electione, ut v. g. de institutione præsentati, vel confirmatione electi, an sit interlocutoria solum, vel interlocutoria habens vim diffinitivæ, vel diffinitiva, vide Gem. in c. fin. ver. secundò nota. & gl. de elect. lib. 6. ubi dicit, si causa fit inter partes, in contradictorio iudicio habes vim diffinitivæ, si non fit solemniter, vim interlocutoria, si solemniter, & non inter partes, vim diffinitivæ etiam, quod deservit pro declaratione sac. Conc. Trid. sess. 24. c. 20. de resor. & dicitur quod est in 1. p. ver. appellatio, §. 11.

SECRETUM.

Secretum non debet revelari, etiam Præfato præcipienti sub pœna excommunicationis, quando non potest probari, vel non præcesserit infamia, vel indicia, Sot. de rat. teg. secr. fol. 119. D. Th. 2. 2. qu. 92. secretum sigilli confessionis nunquam, sed vide in pract. pen. c. 20.

SUBDITI.

Subditi, qui dicuntur? Respondetur, quod non solum ratione originis, vel domicilii, sed ratione delicti, contractus, rei sitæ, & beneficii, cap. si de for. comp. & c. Romana, §. contrahentes, eod. lib. 6. & ibi Covar. cap. valentes, de privileg. & hoc facit pro juribus antiquis, vel novissimis, & præsertim sac.

Conc. Trid. in cap. liceat, ubi habetur, Episcopum posse exercere jurisdictionem in subditos, & sic potest in omnes subditos, de quibus hic Addit. in Host. in sum. tit. de sent. excom. §. medium, littera C. facit quod dicit gl. in cap. nuper, in ver. tunc erit absolutio, de sent. excom. & gloss. in Clem. quamvis, in ver. subditos, de for. comp. & Gem. & Archid. in cap. cum Episcopus, versi. ex secundo, de off. ord. lib. 6. ubi dicitur, prælatum habere ordinariam auctoritatem in aliquas personas ratione delicti, rei sitæ, & contractus, licet alibi habeant domicilium.

SEPULCHRUM CHRISTI.

Sepulchrum Christi Domini nostri non potest sine summi Pontificis licentia visitari, & non sine ratione, & ea potissima, ne leves homines terroribus, blanditiis, & vel cruciatibus infidelium à fide divertantur, D. Ant. 1. part. tit. 2. c. 3. §. 4. tract. de iur. & indulg. not. 30. n. 2. Reb. de brev. post. & alijs, nu. 35. ubi dicit hoc concedi per breve, vel per signaturam, si est præsens, vel absens impetrans.

SEPULTURA.

Primo, an habens sepulturam in aliqua ejus capella, possit admittere, ut alii sepeliantur in ea, Navar. cons. 1. de sepult. videtur dicere, quod sic, per Clem. dudum, §. huiusmodi, de sepult. etiam sine speciali licentia Episcopi, hoc tamen ego limito, primo, ne procedat, quando ex hoc sequeretur præjudi-

judicium Episcopo, puta, quia solet aliquid exigere pro jure sepeliendi, & si aliquis sepeliatur in sepultura patronata, Episcopus amitteret illud, quia nec Princeps solet concedere privilegium alicui in præjudicium tertii, c. ex tuarum, de auctor. & usu pall. & ibi gl. in ver. permittat, nec Papa conferre solet beneficium, in quo, vel ad quod quis habet jus, per reg. Cancell. de non toll. & c. secundò, fallit, quando patronus non haberet facultatem in concessione sibi facta ab Episcopo, ut possit alios admittere ad sepulturam suam.

Secundò, an meretrix, quæ eo anno confessa est, & Paschate communicavit, etiam si reperiatur in domo amasi sui occisa, debeat sepeliri in ecclesiastica sepultura?

Respondetur, quòd sic, quia præsumitur mortua contrita, & non in actu peccati, Navar. cons. 6. de sepul: idem censendum est, si quando aliqui reperiuntur occisi propter incontinentiam à propinquis, quia præsumuntur obiisse, invocato sanctissimo nomine Jesu, omnis moriens, qui Paschate confessus est, & communicavit, nisi constito, quòd in peccato mortali mortuus esset, similiter etiam, quia reperitur mortuus, vel suspensus, vel occisus in camera etiam jacuis clavis, nisi sciatur, seipsum occidisse, idem cons. 7. de sepul. & constare, & scire dicitur, quando certò scitur, secus in dubio, quia in dubio præsumi debet, quem potius benè, quam malè mori, c. sancimus, 7. qu. 1. c. placuit, 23. qu. 5. Covar. lib. 2. c. 1. num. 10. var. resol. sic etiam

inventus mortuus in puteo, idem ibidem.

Tertio, sepultra alicui concessa per privilegium; non ideo tollit quartam canonicam debitam curato, etiam si concedatur libera, Panor. in c. certificari, col. 3. num. 10. de sepul. Rebuff. de differ. in tit. priv. rescript. & mand. nu. 17. ratio est vulgatissima, quia quotiescunque Princeps concedit aliquod privilegium alicui, intelligitur, absque præjudicio tertii.

SIMONIA.

PRIMO, quamvis sit simonia, dare aliquid ministris, vel servitoribus alicujus prælati, ut perrigant preces illi, pro beneficio impetrando, non tamen quando eis datur aliquid, ut sollicitent, & ad memoriam reducant negotium, Navar. cons. 54. de simon.

Secundò, Episcopus concedendo jus patronatus alicui, vel jus præsentandi ad aliquod beneficium ob augmentum reddituum, quod accipiens dat, si ob id aliquas pecunias acceperit, non est excommunicatus ipse Episcopus, nec incurrit aliquam labem simoniæ: ratio est, quia excommunicatio simoniæ non incurritur, nisi vel in ordine, vel beneficio, sed jus patronatus non est beneficium, sed jus quoddam spiritali annexum, vide Navar. cons. 87. de simon. & c. 23. 3. notab. 4. 5. & 6. & c. 27. num. 106: Extravag. Paul. II. de simon. sed illa Extravag. intelligitur de simonia reali, Gom. quæst. 12. de trien. possess. & in beneficialibus, & ordinibus